

四庫全書

子部

欽定四庫全書

子部
緯略卷八

詳校官中書臣丁榮祚

貢外郎臣牛稔文覆勘

總校官知縣臣楊懋珩

校對官中書臣朱圻

謄錄監生臣汪綏

欽定四庫全書

緯略卷七

宋 高似孫 撰

流黃素

張載四愁詩美人贈我筒中布何以報之流黃素 梁
簡文帝詩思婦流黃素溫姬玉鏡臺 張柬之詩將軍
占太白少婦怨流黃 喬知之詩雲日曉微微愁思流
黃機 王筠詩箱中取刀尺機上斷流黃 蕭淳詩猶
有望歸心流黃未剪截 顧野王詩薊門寒未歇為斷

流黃機 環濟要略曰間色有五紺紅縹紫流黃也

按論語疏曰五方正色青赤白黑黃五方間色者綠為青之間紅為赤之間碧為白之間紫為黑之間流黃為黃之間故不用紅紫言是間色也所以為間者賴子嚴曰東方木木色青青加黃為綠綠為東方之間色南方火火色赤赤加白為紅紅為南方之間色西方金金色白白加青為碧碧為西方之間色北方水水色黑黑加赤為紫紫為北方之間色中央土土色黃黃加黑為流

黃流黃為中央之間色又一法木尅土戊以妹巳嫁於
甲是黃入青為綠火尅金庚以妹辛嫁于丙是白入赤
為紅金尅木甲以妹乙嫁於庚是青入白為碧水尅火
丙以妹丁嫁於壬是赤入黑為紫土尅水壬以妹癸嫁
於戊是黑入黃為流黃余謂考工記畫繪之事青與赤
謂之文赤與白謂之章白與黑謂之黼黑與青謂之黻
五采備謂之繡此非間色乎

罨畫

墨客揮犀曰罨畫今之生色也余嘗謂五采彰施於五服此固生色之始也 秦韜玉詩花明驛路隰脂暖山

入江亭罨畫開 李西臺詩晴山雲罨畫孤嶼水含稜

盧贊元詩花外小樓新罨畫杏波晴葉退微紅 劉

商隱愛義興罨畫溪者亦以其如畫也

茗一車

權紓茗贊曰窮春秋演河圖不如載茗一車此言漢儒圖緯之書讀之令人憤憤所謂窮春秋者如演孔圖元

命苞文耀鉤運斗樞感精符含神霧之類演河圖者如
古龍圖河圖傳孝經河圖之類也

雪茶

陸羽第水雪水产品二十以雪水滯而太冷也 晉羊孚

雪贊曰資清以化乘氣以霏遇象能鮮即潔成輝雪蓋
取其精潔也安可謂之冷滯耶 喻鳧詩煮雪問茶味
當風看鴈門 白居易詩吟詠霜毛筆間嘗雪水茶

丁晉公茶詩痛惜留書篋堅藏待雪天 胡文恭公詩

雪溜雲腴試早芽皆是雪水瀹茶也 曹松詩讀易明

高燭煎茶取折冰 姚合詩研露題詩潔銷冰煮茗香

則又以冰瀹茶也 逸人王休居太白山下冬至取溪

冰敲其精瑩者煮茗共客飲之 王仁裕開元
天寶遺事 無非取其

潔清也

羊裘

嚴光變姓名隱光武思其賢訪之齊國上言有男子披
羊裘釣澤中馬援嘆曰殖貨財者貴其施賑也不然則

守錢虜耳迺散頌昆弟故舊身服羊裘皮袴羊裘始于
此

素丞相

論衡曰孔子不王素王之業在於春秋桓君山素丞相
之迹在於新論者也君山名譚著書言當世事二十九
篇梁以陶弘景為山中宰相亦茲類

致拳拳

古樂府定情篇言婦人不能以禮從人而自相悅媚迺

解衣服玩好致之用致綢繆若臂環致拳拳指環致殷
勤耳珠致區區香囊致和合條脫致契濶佩玉結恩情
而期於山陽山北終以不荅乃以傷悔焉

種瓜

邵平秦東陵侯之後為布衣種瓜于長安瓜美俗謂之
東陵瓜 漢施延沛人種瓜自給 姚俊常種瓜灌園

吳錄

步隲與衛旌同年相善俱種瓜自給 郭平原以

種瓜為業

沈約
宋書

韓珍種瓜營葬 孫鍾富春人種瓜

為業

劉義慶
幽明記

以上十人可謂瓜隱矣

楊炯詩亭逢李

廣尉門接邵平瓜

許渾詩白社貧思橘青門老種瓜

東陵在青門外也

襲六為七

相如封禪書曰被飭厥文作春秋一藝將襲舊六為七
據之無窮揚雄劇秦美新文曰宜命賢哲作帝典一篇
奮三為一襲以示來人摘之罔極二文甚相類左太冲
作三都賦初成時人互有譏訾思意不愜後示張公張

曰此二京可三庾仲初作揚都賦成以呈庾亮亮以親族之懷大為其名價曰可三二京四三都

易聖

唐衛大經邃於易人謂之易聖 唐昭宗時有

闕文 筮五字

人謂之易聖

耳目記

劉臻精於兩漢書時人稱為漢聖

嚴子卿馬綏卿善圍棋號碁聖衛協張墨號畫聖張衡

馬忠號木聖

抱朴子

李白嗜酒然沈酣中所撰文章未

嘗錯誤時號醉聖

開元天寶遺事

賣文

丁隱君歌前度相逢正賣文一錢不直虛云云今來利
作採山斧可以拋身麋鹿羣 杜詩故人南郡去去索
作碑錢本賣文為活翻令室倒懸

歷日

楊泉物理論曰疇昔神農始治農功正節氣審寒溫以
為早晚之候故立歷日堯典一篇唯載歷象一事則歷
象一事至堯備矣孔氏書傳曰歷象其分節敬紀天時

以授人也

離騷傳

淮南王安入朝獻所作內篇上愛秘之使為離騷傳只
以大山小山觀之安深于騷矣然王逸所注絕不引此
書

八百碑

唐人說李邕前後撰碑八百首按邕傳邕尤長碑頌中
朝衣冠及天下寺觀多賫金帛求其文 杜詩曰千謁

滿其門碑版照四裔豐屋珊瑚鉤麒麟織成罽紫駟隨劍几義取無虛歲蓋謂邕也

邕碑今尚遺者左羽林將軍臧懷亮碑

在耀州

開元寺

碑

淄州嶽寺大照和尚普叔碑

京西

李府君碑

京西

普光寺

碑

泗州

娑羅木碑

楚州

大雲禪寺碑

老子孔子顏回贊

海州

秦望山法華寺碑

越州

嶽麓山寺記

大律故懷道

閤黎碑

福州

石室記

端州

有道先生葉公碑

東林寺碑

江州

左武衛尉

關

將軍李思訓碑

雲麾將軍李秀

碑 鄂州刺史盧府君碑

三本書

柳氏家訓曰余家昇平里西堂藏書經史子集皆有三本一本紙墨籤卷華麗者鎮庫一本次者供覽又一本次者後生子弟為業我祖宗時內則太清樓藏書龍圖閣藏書玉宸殿藏書外則三館秘閣凡四處藏書如咸平八年榮王宮火延及三館於是出禁中本付館閣傳寫則書本豈可無其副其後官書往往侵竊士大夫家

得之嘉祐中置編校官八員雜讐四館書給吏百人悉以黃紙為大冊書之自此私家不敢輒藏元豐中三館併歸省中書亦隨徙元祐中重寫御前書籍又置校對黃本以館職資淺者為之宣和初置補御前書籍所再訪天下異書侍臣十人為叅詳官進士白衣充檢閱者數人及年命以官然以崇文總目言之李善注文選固在五臣之前此迺云因五臣而為注非也三茅君內傳曰唐李遵撰遵非唐人也固有差舛如此者中興館閣

書殊為簡略余在館時日以校對猶是郡國民間所上
本館閣不曾再行繕書又止有一本一篇借出竟成失
落故闕書亦多又秘閣所藏書亦無書目真贋無辨殊
闕典也承平時士大夫家藏書如常山宋氏南都戚氏
歷陽沈氏廬山李氏九江陳氏鄱陽吳氏中興初如三
山余氏臨川吳氏會稽陸氏諸葛氏今皆散逸矣況有
三本乎

四愁詩

張衡不得志為四愁詩依屈原以美人為君子以珍寶為仁義以水深雪雰為小人 衡作四愁詩曰我所思

兮在太山欲往從之梁甫艱側身東望涕霑翰美人贈我金錯刀何以報之英瓊瑤路遠莫致倚逍遙何為懷愁心煩勞我所望兮在桂林欲往從之湘水深側身南望涕沾襟美人贈我翠琅玕何以報之雙玉盤我所思兮在漢陽欲往從之隴坂長側身西望涕沾裳美人贈我貂襜褕何以報之明月珠我所思兮在鴈門欲往從

之雪紛紛側身北望涕沾巾美人贈我錦繡段何以報

之青玉案

又張載詩

我所思兮在南巢欲往從之巫山高佳

人遺我筒中布何以報之流黃素我所思兮在朔湄欲
往從之白雪霏佳人遺我雲中翮何以贈之連城璧我
所思兮在隴原欲往從之隔太山佳人遺我雙角端何
以贈之雕玉環我所思兮在營州欲往從之路阻修佳
人遺我綠綺琴何以贈之雙南金 傅玄歌詩有所思
兮在天一方何以贈之玉佩珠璜又有四愁詩曰美人

贈我明月珠何以報之比目魚美人贈我蘇合香何以
報之翠鴛鴦貫休歌詩欲贈之紫玉尺白銀鐙蓋效
四愁體李嘉祐詩宋玉怨三秋張衡復四愁蓋以四
愁比騷也可謂善言詩矣崔簡詩平子四愁今莫比
休文八詠自同時便不及嘉祐也

古學

桓譚博學多通遍治五經尤好古學從劉歆揚雄問疑
異盧植上書臣少通儒從南郡太守馬融受古學頗知

今古禮記

研眼

硯錄曰端石有活眼死眼圓暈相重黃黑相間鑿精在內晶瑩可愛謂之活眼四旁浸漬不甚鮮明謂之淚眼形體略具內外皆白殊無光彩謂之死眼活眼勝淚眼淚眼勝死眼死眼勝無眼然古人賦詩中殊不言眼也惟唐彦猷曰端石有眼者最貴謂之鸚鵡眼石文精美如木有節不知者以為石病石有上下巖惟上巖有眼

眼之美者青綠黃三色相重多者自外至心凡九重其
大者尤為稀有其生於墨池之外者曰高眼生於內者
曰低眼高眼尤可尚不為墨漬常可睹也

誤筆成畫

曹不興善畫孫權使畫屏風誤落筆點素因就畫為蠅

吳王以為生蠅舉手彈拂之

吳錄

王獻之為大司馬畫

扇題筆誤落扇上即點畫作烏駁牛

孫暢之
畫術

王維詩

屏風誤點惑孫郎團扇草書輕內史

盧綸詩舐筆求

書扇張屏看畫蠅各用此二事據遺載唐戴嵩畫牛因筆墮為鳥亦此意

卧雪圖

卧雪圖巨然所作漢時雪丈餘洛陽令至袁安門無行路令人探雪見安僵卧令舉為孝廉典錄又有焦先出

於漢末冬雪大至袒卧不移

皇甫嵩高士傳

又有胡定光頰

川人雪覆其室令遣排雪遺乾糗事亦大略相類人用雪中事但言袁安丁晉公鎮金陵重建賞心亭取家藏

袁安卧雪圖以張於亭之屏乃唐周昉筆經十四字雖
極愛不敢取後一帥竊去易以蘆鴈王琪君玉留詩曰

闕文
六字

壺江山清麗壯吳都昔人已化遼天鶴舊畫難尋

卧雪圖冉冉流年去京國蕭蕭華髮老江湖殘蟬不會

登臨意又噪西風入座隅

文瑩
野錄

三十六玉皇

李賀詩為君持此凌蒼蒼上朝三十六玉皇李白詩三
十六帝欲相迎仙人飄翩下雲輶此也

泰階六符經

東方朔願陳泰階六符以觀天變藝文志有泰階六符

經一卷

漢書

泰階六符上階天子中階公卿下階庶人

凡三階所謂泰階六符經者應劭以為黃帝所作也其經曰泰階者天之三階也上階為天子中階為諸侯公卿與大夫下階為士庶人上階上星為男主下星為女主中階上星為諸侯三公下星為卿大夫下階上星為元士下星為庶人三階平則陰陽和風雨時社稷神

祇各獲其宜天下大安是為太平三階不平則五神乏
祀日有食之水潤不浸稼穡不成冬雷夏霜百姓不寧
故治道傾天子行暴令好興甲兵修宮榭廣苑囿則上
階為之奄奄疏濶也以孝武皆有一事故朔為陳之
皇甫冉詩綵雲天仗合玄象泰階平 司空圖詩鼎飮
和方濟台階潤欲平此言泰階欲其平也權德輿詩六
符既昭晰萬象隨陶鈞此言六符欲其明也

礧碑

太平廣記曰月支獻猛獸兩目如天礮礮之炎光礮礮

電光也

礮先念切
礮徒念切

納音

子為陽之始午為陰之始以甲加子數至午加丑數至未午上得庚未上得辛謂之陰索陰又以甲加午數至子加未數至丑亦得庚辛謂之陰匹陽此納干數也從甲至庚凡七七為西素皇之氣故甲子乙丑皆為金而三為火九為木一為土五為水此所謂納音也但數其

千不數其支其源蓋出於六十律旋宮法也一律含五音十二律含六十音

沈存中筆談曰六十甲子有納音鮮原其意蓋六十律旋相為宮法也一律含五音十二律納六十音也凡氣始於東方而右行音起於西方而左行陰陽相錯而生變化所謂氣始於東方者四時始於木右行傳於火火傳於土土傳於金金傳於水所謂西始於西方者五音始於金左旋傳於火火傳於木木傳於

水水傳於土

納音與易納甲同法乾納甲而坤納癸始於乾而終於坤納音始於金金乾也

終於土土坤也

納音之法同類娶妻隔八生子

此漢志語也

此律

呂相生之法也五行先仲而後孟孟而後季此遁甲

三元之紀也甲子金之仲

黃鍾之商

同位娶乙丑

大呂之商同位

謂甲與乙丙與丁之類下皆倣此

隔八下生壬申金之孟

夷則之商隔八謂大

呂下生夷則也下皆倣此

壬申同位娶癸酉

南呂之商

隔八上生金之

季

姑洗之商此金三元終若只以陽辰言之則依遁甲逆傳仲孟季若兼妻言之則順傳孟仲季也

庚辰同位娶辛巳

仲呂之商

隔八下生戊子火之仲

黃鍾之徵

金三元終則左戊子娶巳丑大呂生丙申火之孟夷則

行傳南方火也

之徵丙申娶丁酉南呂生甲辰火之季姑洗甲辰娶乙

之徵

之徵

之徵

巳中呂生壬子木之仲黃鍾之角火三元終則左行傳於東方木如是左

之徵

之徵

則左行傳於東方木

如是左

行至於丁巳中呂之宮五音一終復自甲午金之仲

娶乙未隔八生壬寅一如甲子之法終於癸亥謂癸亥實娶

謂癸亥實娶

林鍾上生至於巳為陽故自黃鍾至於仲呂皆下生

太簇之類

自午至於亥為陰故自林鍾至於應鍾皆上生予於

樂論叙之甚詳此不復紀甲子乙丑金與甲午乙未金雖同然甲子乙丑為陽

律陽律皆下生甲午乙未為陽呂陽呂皆上生六十律相反所以分為一紀也

冰丸霜散

朝野僉載曰立夏日服六壬六癸符或玄冰丸飛霜散暑不能侵抱朴子曰不熱之道服玄冰之丸飛霜之散此用蕭丘上木皮及五日北行黑蛇血故少得合之也

漢武內傳西王母曰仙之上藥

闕文六字

詩採取神藥山端

白兔搗蝦蟇丸奉上陛下下一玉杵梁武帝詩紫霜耀絳雪追還轉復飛陸龜蒙詩桂父舊歌依絳雪桐孫遺詠

倚玄雲

鹽生

秦記曰會稽王道子為符朗設盛饌朗曰鹽味少生玄晏春秋曰衛倫稱劉子陽食餅而知鹽生精味之至師曠善識味平公賜之食師曠曰此勞薪為爨平公試問之宰人曰用故車脚炊飯晉武帝賜荀勗食進飯即謂座人曰此勞薪炊飯也座者未之信密遣問之果是車脚炊也蓋此之謂

沈香山火

隋主除夜設火山數十盡用沈香木根火山暗則以甲煎沃之香聞十里江淹詩金爐絕沈燎綺席生浮埃則沈燎始於梁矣李商隱詩沈香甲煎為沈燎玉液瓊酥作壽杯當用前事李白詩博山爐中沈香火雙咽一氣凌紫霞李賀詩沈香火暖茱萸煙酒觥綰帶新承懽王建詩院院燒燈如白日沈香火底坐吹笙三詩皆用沈香火即所謂沈燎也

三儼

論語疏曰儼逐疫鬼也為陰陽之氣不節厲鬼隨而作
禍故天子使方相氏黃金為四目熊皮為帽口作儼儼
之聲以驅疫鬼一年三度為之按月令季春命國儼季
秋天子乃儼至冬又曰命有司大儼旁磔出土牛以送
寒氣張衡東京賦曰卒歲大儼驅除羣厲方相秉鉞巫覡
操劔侖子萬童丹首玄製挑弧棘矢所發無梟飛磔雨
散剛瘴畢斃煌火馳而星流逐赤疫于四裔廉品大儼

賦曰於吉日之上戊將大蜡于臘烝乃班有司聚衆大
儺天子坐華殿臨朱軒凭玉几席文旃率百隸之偃子
羣鼓噪于宮垣二賦只言冬儺耳春秋之儺蓋少見唯
唐孫頤有春儺賦曰是月也建斗于辰日交長至有司
方陳大禮展時事達九門以礫攘協四靈而滌器匪歲
之卒乃春之季令陰氣以下降使陽和而上利順三時
而不忒協諸福而畢萃然則此禮唐時猶行之所謂順
三時而不忒者三儺也

小雨由山

張士伯禱雨於崑山忽聞空中語曰大雨由天小雨由山神仙盛遇有人叩其祈雨神告之曰雨禁絕重

沃焦

玄中記曰天下之大者東海之沃焦石焉在東海南方三萬里海水灌之隨盡故水東流而不盈物類相感志曰沃焦山東海之外荒海中有山焦炎而峙高深莫測蓋稟至陽之為質也海水激浪投其上喻焉而盡計其

晝夜喻攝無極若熬鼎受其洒汗耳此道家之說無是山也四海受百川之漲必然洶湧而溢也

吳融沃焦山賦曰域中公子問於方外先生曰蓋聞水之大也下環乎地上浮于空無象無邊夷猶洪濛百派千流皆歸于東何巨溟之深也萬古能容何九州之高也不淪其中先生曰混沌死乾坤始東南傾川澤委帝乃慮海旁溢彼山中峙復孕以火用銷其水此焦沃之為義真宰之元旨者也請言其狀也巉

乎萃乎赫曦乎翕輶乎陰陽熾炭天地開鑪景風鼓
吹赤帝規模成於妙有拔彼虛無處冷能熟雖燔且
濡於律則黃鍾取法在易則既濟相符岐岷兮壓海
萬里鴻洞兮烘天一隅掖馮夷軋天吳鱗介既難以
潛伏草木安得其芬敷巨靈不能擘畏其爛手愚公
不能移憚其焚軀靈漲疑竭大室若枯爾其水之來
也浩浩爭奔泊泊不住蹴嶽摧阜跳天沃霧暘谷無
地扶桑失樹雷奔潮走雪飛沫聚吞吐造化浮沈朝

暮一歸塘

歸塘一作歸墟

之積積既久而還盈一尾閭之洩

洩不供而旋注苟彼不為煎熬何物當其委輸

沓潮

番禺記曰早潮下晚潮上兩水相合謂之沓潮 劉禹

錫沓潮歌曰屯門積日無回颶海波不歸成沓潮轟如
鞭石屹且搖亘空欲駕龜鼉橋驚湍蹙縮悍而驕大陵
高岸失岩崑四邊無阻音響調背負元氣掀重霄介鯨
得性方逍遙仰鼻噓吸揚朱翹海人狂顧迭相招罽衣

鑿首聲曉曉征南將軍登麗譙赤旌指揮不敢囂翼日
風迴沴氣消歸濤納納景昭昭烏泥白沙復滿海海色
不動如青瑤叙曰元和十年夏五月大風駕潮南海泛
溢南人云沓潮也率三歲一有之

入閣

歐公五代史李琪傳曰唐末喪亂禮壞天子未嘗視朝
入閣之制亦廢常參之官日至正衙者傳聞不坐即退
獨大臣奏事日一見便殿而侍從內諸司日弄朝而已

明宗即位詔羣臣五日一隨宰相入見內殿謂之起居
唐故事天子日御殿見羣臣曰常參朔望薦食諸陵寢
有思慕之心不能臨前殿則御便殿見羣臣曰入閣宣
政前殿也謂之衙衙有仗紫宸便殿也謂之入閣其不
御前殿而御紫宸也迺自正衙喚仗由閣門而入百官
俟朝于衙者因隨以入見故謂之入閣然衙正朝也其
禮尊閣燕見也其事殺自乾符已後因亂禮闕天子不
能日見羣臣而見朔望故正衙常日廢仗而朔望入閣

有仗其後習見遂以入閣為重至出御前殿猶謂之入閣其後亦廢至是而復然有司不能講正其事凡羣臣五日一入見中興殿便殿也此入閣之遺制而謂之起居朔望一出御文明殿前殿也反謂之入閣琪皆不能正也

按貞觀元年制自今中書門下三品以上入閣議事命諫官隨之有失輒諫則入閣已見于貞觀中不止開元間退御紫宸受朝乃云入閣也德宗貞元制自

今後五日一御宣政殿與羣臣相見則是不行入閣之禮矣玄宗時優人有求賜魚者玄宗曰五品以上入閣以魚袋合符汝不可得如武后時崔承慶上疏曰五品以上佩龜者后改魚用龜別敕宣召恐有詐妄故內出龜合然後應命六典曰魚符以備別敕宣召此其制也宋元憲公曰唐制每遇坐朝日即為入閣及其叔世務從簡易正衙立仗遂廢其後或有行者人所罕見乃復謂之盛禮宋公迺于御殿亦曰入

閣何也按唐舍元殿至宣政殿紫宸殿皆在大明宮
中大明宮者東內也其喚仗入閣與歐公同西內太
極殿即朔望受朝之所亦正殿也太極之北有兩儀
殿即常日視朝之所也太極殿兩廡東西二閣二閣
有門當又轉北而入兩儀一如東內之制鄭谷入閣
詩秘殿臨軒日和鸞返正年兩班文武盛百辟羽儀
全霜漏清中禁風旗拂曙天門嚴新契勘仗入乍承
宣玉几當紅旭金爐縱碧煙對敍稱法吏贊引出宮

鈿言動揮毫疾威容報簿專壽山晴靄黛顯氣暖連
延禮有鵷鷺集恩無雨露偏小臣叨備位歌詠泰階

前

數行俱下

應奉字世叔讀書數行俱下

續漢書

宋武帝才思朗捷省

書奏五行俱下梁昭明太子讀書數行俱下過目皆臆

通五經

后蒼東海人事夏侯始昌通五經蔡玄汝南人學通五

經帝徵拜議郎講論五經異同井丹扶風人受業太學
通五經 魯丕字叔陵兼通五經為當世大儒

見東觀漢記

張霸博覽五經孫琳劉固等並慕之漢人往往以通
五經為重其曰五經無雙許叔重許慎也五經縱橫周
宣光周舉也五經紛紛井大春井丹也五經復興魯叔
陵魯丕也皆得通五經

論石渠

歐陽地餘為太子中庶子以尚書授太子後為博士論

石渠張山拊事小夏侯建為博士論石渠戴聖號小戴
以博士論石渠聞人通漢以太子舍人論石渠薛廣德
以魯詩教授蕭望之數與論議器之充論石渠周堪與
孔霸俱事大戴夏侯勝霸為博士堪譯官令論石渠施
讐為博士論同異于石渠林尊事歐陽高為博士論石
渠韋玄成以淮陽中尉論石渠張長安論石渠至淮陽
中尉論石渠之選其靳如此

待詔金馬門

公孫弘徵賢良文學擢對第一拜博士待詔金馬門賈

捐之上疏言得失待詔金馬門東方朔主父偃嚴安徐

樂皆待詔金馬門

三輔黃圖

宣帝時修武帝故事講論六

藝羣書博盡奇異之好徵能為楚辭被公召見讀誦並

召高才劉向張子僑華龍柳褒待詔金馬門元帝時鄭

朋上疏言許史子弟章視周堪堪白令待詔金馬門馮

商長安人成帝時以能屬文待詔金馬門

如淳曰班固目錄

待

詔金馬門漢盛選也以漢之久而膺此選者僅若此耳

殊不輕畀也 李白詩晨趨紫禁中夕待金門詔劉禹
錫詩籍通金馬門身在銅駝陌李端詩漢主金門正召
才馬卿多病自遲迴鄭谷詩貴為金馬客雅稱水曹郎

酒法

月令仲冬曰是月也乃命有司秫稻必齊麴蘖必時湛
熾必潔水泉必香陶器必良火齊必得兼用六物大酋
監之無有差忒釀酒之事盡在此矣苟能精之豈不佳
哉人顧未精于此耳

月令注曰有司謂煮酒之官煮酒二字蓋出於此歐陽公醉翁亭記曰釀泉為酒泉香而酒冽蓋取諸此

猥

狼猥是兩物猥前足絕短每行常駕兩狼失狼則不能動高后紀曰計猶豫師古曰猶獸名也爾雅曰猶如麕善登木此獸性多疑慮常居山中忽聞有聲即恐有人來每豫上樹久之無人然後敢下須臾又上如此非一故不決者稱猶豫焉說文曰猶攬屬一曰隴西犬子謂

之猶

猶余
救切

鴈子

漢書太液池中鳬雛鴈子布滿充積用鴈子甚佳 王
維詩蘆筍穿荷葉菱花罨鴈兒此用鴈兒甚新 易林
曰鳳有十子同巢共懼以相保 晉王獻之詩客從北
方來言欲到交趾遠行無他貨唯有鳳皇子百金不我
鬻千金難為市山海經曰流沙之西丹山之南有鳳之

圓

圓古
卯字

狒狒讚

狒狒讚曰狒狒恠萌被髮操竹獲人則笑唇蔽其目終
亦號咷反為我戮 物類相感志曰狒狒出西南蠻宋
建武中安昌縣進雌雄二頭帝曰吾聞狒狒能負千斤
既力若此何能致之對曰狒狒見人喜笑笑則下唇掩
其額故可以釘之髮可為髮血可染衣手似彌猴人面
而紅作人言鳥聲善知人生死飲其血使人見鬼帝命
工圖之元稹詩狒狒穿筒格猩猩置屐馴

狒房
沸切

珧

郭璞江賦曰玉珧海月土肉石華晉安海物異名記曰
肉柱膚寸美如珧玉臨海異物志曰玉珧柱厥甲美如
珧玉趙德麟侯鯖集韓退之詩所云馬甲柱正謂此字
書曰珧唇甲可飭物爾雅釋弓曰弓有緣以金為之謂
之銑以玉為之謂之珧今人但用瑤字固自有珧字也
東坡詩金齏玉鱠飯炊雪海鰲江柱初脫泉但有柱字
李商老詩江瑤初脫柱蠔山憐疊嶂却用瑤字也

三嚴

唐續時令儀曰唐制日未明七刻撻一鼓為一嚴侍中奏開宮殿門及城門未明五刻撻二鼓為再嚴侍中奏請中嚴羣臣五品以上俱集朝堂未明二刻撻三鼓為三嚴侍中中書令以下俱詣西閣奉迎鑾駕出宮詣太極殿西都賦曰衛以嚴更之署注曰嚴更督夜行鼓唐制所謂嚴者亦以鼓也

相經

銳頭

赤帝樂叶圖徵宋

大頭

黑帝

長頭

湯長頭而寡髮晏子陳遵漢書

賈逵頭長一尺三寸出東觀漢記

頭小銳

趙景真

方面

蒼帝

圓面

赤帝

白深面

黑帝並

龍顏

舜援神契漢高祖管寧列傳

日角

伏羲孝經援神契子產管

子子夏子張論語摘輔象始皇河圖

長頸

禹尸

修頸

黑帝

月角

晏平仲管子尾生

犀角

尾生管子曾子摘輔象項角匿犀李固伏犀貫石枕素天綱相寶軌伏犀貫腦馬周

惠管

珠衡

曾子伊尹仲由並摘輔象又援神契曰伏羲珠連衡

山庭

顏淵論語摘輔象又子貢

顏額有三理

老子額有三理抱朴子

龍額

黃帝廣額龍額河圖

折額

周樊欽顧折額

醜貌駭人汝南先賢傳

額有五柱頂

隋高

貌如婦人

張良

學堂

袁天

綱相岑文本
學堂瑩夷

重瞳

舜項羽漢書呂光
載記沈約梁書

目瞳方

李泌梁
湘王

分

明

武安君嚴尤三將
論趙景真世說

目有精光

孫權江
表傳

眸子如電

裴楷
眸子

閃閃如巖
下電世說

目視日不眩

王戎晉書又竹林七賢傳曰我
眸子洞徹視日而眼照不虧

大目

老子金筍內經子夏
摘輔象子張同上

長目

始皇
史記

目如懸珠

東方朔
深

目

康僧淵
世說

踈目

霍光

目光外射

隋高祖
隋書

目如秋水

李泌
眉白

毫

伏羲王子年拾遺
記馬良眉有白毫

眉八采

虎眉八采直兩眉甚堅似
八字眉抱璞子又尚書大

傳

虎眉

文王帝
王世紀

秀眉

管寧
列傳

通眉

李賀

鬚目如畫

馬援東觀
漢記王規

于寶晉紀隋元暉
眉如畫浪褚翔梁書

眉間一尺

伍員吳越春秋莫邪
子干將子並列仙傳虎

鼻

伏義禹虎鼻
孝經援神契

高鼻

康僧淵世說曰鼻者面之山目者面之淵山不高則不靈淵不深則

清

鼻有伏藏

太公摘

大鼻

陳遵漢書

山準

伏義禹並虎鼻

隆

準

始皇漢高祖史記

大口

舜孝經援神契太公論語摘輔象光武東觀漢記孫權江表傳方頤大口

虎口

始皇河圖海口

孔子海口言如

斗星

遠口摘輔象

方

口

老子金笥內漢明德皇后

烏喙

禹尸子越王越世家始皇驚喙史記

齒如編貝

東方

朔

踈齒老君神仙傳

駢齒

武王元命苞夫子孝經勾命訣

耳三門

老子鄉記

長

耳

老子神仙傳

方頤

帝警帝系孫權江表傳

兌頤

黃帝河圖

欽頤

蔡澤史記

岐頤

后授春秋元命苞

鳳頸

主通中說

手握袞文

舜契

手握十文

老子神

展手過尺

李達前涼錄

手文曰武

武帝梁書

文在手

仲子左傳

手過膝

尹喜關令內傳裴秀王隱晉書劉曜載記劉備三國志慕容垂後燕錄李祖昇北齊書

猿臂

李廣

肩

盧敖淮南子梁冀冀別傳

駢脅

重耳呂氏春秋

誇膺

文王淮南子許慎注曰誇廬也

腰十

圍

尹繹晉書朱泚江安王元祥

龜背

仲尼孔叢子王通中說

倨身

伊尹晏子春秋

背若

有負

馬周

豺聲

越椒左傳商臣史記又秦始皇王世充隋書王敦晉書

陶弘景相經序曰相者蓋性命之著乎形骨吉凶之

表乎氣貌亦猶事先謀而後動心先動而後應表裏

相感莫知其所所以然且富貴壽夭各值其數劉孝標

相經序曰命之與相猶聲之與響聲動乎幾響窮乎應二公之言皆名言也孝標又云日角月偃之奇龍樓彪踞之美地靜鎮于城纏天闕運於掌策金槌玉枕磊落相望伏犀起蓋隱鱗交映井宅既兼食匱已實抑亦帝王卿相之明效也

茶爐筆床

天隨子每于寒暑得體中無事時乘小舟設蓬席齋一策書茶爐筆床釣具擢船鳴榔而已所詣小不會意徑

還不留

笠澤叢書

香井

任昉述異記曰魏武陵中有泉謂之香水古詩云安得香水泉濯郎衣上塵一說香水在并州香山其水潔香浴之去病吳故宮亦有香水溪俗云西施浴處又呼為脂粉塘吳王宮人濯粧於此溪上源至今馨香香水二字尤佳然石曼卿荷花詩洛渚微波長映步漢宮香水不濡肌乃以為漢宮也只此分香一事亦魏武也唯陸

機喜用陸機弔魏武文曰余為著作郎遊秘閣見魏武
令曰餘香可分與諸夫人諸舍中無所為學作履組賣
也弔曰紆佳人于履組清塵慮于餘香下一句奇絕

緯略卷七

欽定四庫全書

緯略卷八

宋 高似孫 撰

通爾雅

漢武帝得鼠終軍知之曰厥號曰鼯其文如豹詔何以

知之對曰名見爾雅帝嘉之賜帛爾雅之業遂盛

郭璞爾雅

注何承天纂文

世祖大會靈臺得鼠熒熒光澤帝異之問羣

臣莫知對竇攸對曰鼠名鼯詔何以知之對曰名出爾雅詔秘書審計如其言上喜賜帛諸侯子弟從之受爾

雅

三輔
決錄

漢侍中劉秀表曰宣帝時使人發盤石于上

郡石室中有反縛一人時臣秀父向為諫議大夫謂此貳負臣也詔問何以知之對曰出山海經其曰貳負之臣曰危與貳負殺窳窳帝乃梏之疏屬之山桎其右足反縛其手上大驚一時多奇之又孝武帝時有獻異鳥者不知何以食之東方朔見之能言其名又言所當食問朔何以知之曰山海經所出也此與通爾雅者如合一揆矣

水事

淮南子曰九疑之南山事少而水事多水事二字妙甚
却昂蚌鷸相持賦曰水濱父老以漁弋為事此句全學
南史所云泔潮居民以鵝鴨為業也晁無咎跋王右丞
捕魚圖有曰晚道吳江如此漁者業廉而事佚用事字
更好皮日休詩序曰各補茶事十數條林和靖詩亦曾
用茶事二字茶事尤精絕

孔硯

唐王嵩寧孔子石硯賦曰旁積垂露中含偃波八字奇特常人筆力不可到 李賀青花紫石硯歌圓毫促點聲清新孔硯寬頑何足云迺以為寬頑何也 劉禹錫硯詩闕里廟中空舊物開方竈下豈天然亦不以為然也 宋景文公摘粹曰河東舜廟中有大硯一方尋尺刻文曰帝鴻氏之硯魯廟中有孔聖修六經硯方一尺三寸中心已穿穴蜀犍為人得揚雄草玄硯如今制去其圭角汾水王通廟中有通隋時續六經所磨硯伍緝

之從征記曰魯國孔廟中石硯一枚甚古朴孔子平生時物也庾肩吾謝銅筆格啓曰煙磨青石已踐孔子之壇當是青石也

笏

王子充笏賦曰殊相逸發奇文秀起此八字全如晉人傳及世說中言句 蔣防鎮圭賦曰雲虹發色冰雪成姿上一句甚佳下一句恐玉非冰雪之潔耳然尸子曰玉者色不如雪澤不如雨

東方朔有相筭經袁天綱又有相筭經郭先相筭經
陳混掌相筭經古相手板經六卷

熬波出素

張融作海賦文詞詭激獨與衆異以示鎮東將軍顧愷
之愷之曰卿此賦實高玄虛但恨不道鹽耳融即求筆
注曰漉沙構白熬波出素積雪中春飛霜暑路晉書此十

六字直可在玄虛之表 王誕字茂世晉孝武帝崩從

叔尚書令珣為哀冊出本示誕誕曰猶少叙節物一句

誕便擘筆接其秋冬代變云霜繁廣除風迴高殿珣嘆
美而用之古人服善有如此者今世無此矣然融賦出
於自筆珣策乃誕益之尤為可服東坡詩柳絮才高不
道鹽直用融語三字也 管子周禮注曰煮水世本曰

宿沙作煮鹽廣志亦曰煮鹽鹽鐵論曰煮海魯連子曰
煮沙益州記嶺表錄異皆用煎字融賦直曰熬波出人
意表宋景文詩濯錦萬梭催貢篚熬鹽千井算牢盆乃
用熬字景文雪詩鹽波熬巨浸鵠項界中田用鹽波甚

新

春秋列國文章

讀左氏傳甚愛鄭楚文章自典謨誓命以下無有而戰國策楚漢春秋太史公取以約史者未可及也因悟為命禋諶草創之世叔討論之行人子羽修飾之東里子產潤色之其重複精詳至再至三如此文章安得不好
文筆遲速

武帝春秋二十九得皇太子枚舉與司馬相如作皇太

子生賦皋為文疾受詔輒成相如善為文而遲故所作

少

見漢書

顏延年與謝靈運俱以詞采齊名而遲速懸

絕文帝嘗敕各撰樂府北征篇延年受詔輒成靈運久

之乃就

宋書

葛稚川以為長卿製作雖遲而首尾溫麗

枚皋雖敏而時有累句故知急行無善迹矣揚子雲又
謂軍旅之際戎馬之間飛書走檄必用枚皋廊廟之下
朝廷之中高文典策非相如不可

太玄法言

桓譚新論曰子雲新造法言太玄也人貴所聞賤所見故輕易之若遇上好事必以太玄次五經也王充論衡曰揚子雲作太玄法言張伯松不肯一觀以與並肩若生于周世則為金匱也二子之論如一葛稚川曰充所著論衡北方未有得之者蔡伯喈嘗到江東得之嘆其文高度越諸子嗚呼世安得復見伯喈者乎稚川又曰盧生問云蔡伯喈張平子才足著書正恐年遠旨深世人不解故不著也余曰若如來言子雲亦不應作太玄

經也然穎容春秋例曰著作之事前有司馬遷揚雄後有鄭衆班固近即馬融鄭玄遷史記不識畢公為文王之子而言與周同姓揚雄法言不識六十四卦而云所從來遠矣嗚呼難哉

幼文言

班固九歲作頌賦

東觀漢記

曹植十歲屬文

文選人名錄

阮

籍八歲庾闡九歲屬文

魏氏春秋

劉孝綽七歲屬文

南史

丘遲八歲屬文庾肩吾何遜八歲賦詩陸從典八歲作

文梁書

葛洪論史記

西京雜記曰司馬遷發憤作史記一百三十篇先達稱
為良史之才其以伯夷居列傳之首以為善而無報也
次為項羽本紀以據高位者非關有德也及其叙屈原
賈誼辭旨抑揚悲而不傷亦一代之偉才然觀太史公
之言曰夫詩書隱約者欲遂其志之思故述往事思來
者嗟乎知遷之志洪其庶幾乎

玉蟾蜍

廣川王發晉靈公塚甚瓌壯器物皆朽不可別唯玉蟾蜍一枚大如拳腹空容五合如新王取以盛水滴硯常袞詩綴簾金翡翠賜硯玉蟾蜍 劉禹錫詩玉蟾吐水

霞光淨綵翰搖風絳錦鮮 胡文恭詩點筆乍驚蟾滴

清

闕文五字

漿寒

夏英公詩玉蟾分滴清圓池

宋景文

公詩獨憶王筠齋壁詠玉蟾飛溜入霞箋盖用此 吳

融硯賦曰玉蟾一滴松煙四上上句四字妙甚用玉滴

佳

蘭賦

仲子陵幽蘭賦曰芬華外揚真正內積和氣所資精英
自得此十六字超出筆墨蹊徑吳筠竹賦曰契道合靈
表貞示節用道字貞字亦不在蘭賦下

鍊石補天

往古之時四極廢九州裂天不兼覆地不周載於是女
媧氏鍊五色石以補蒼天斷鼇足以立四極

出淮南子

蒼

天西北小闕庖犧見之惡不悅冶鑄五色石合為一乃

以補之

出異苑

歸美山山石紅丹赫若采繪戔戔秀上

切霄隣景名曰女媧石大風雨後天澄氣靜聞絃管聲

王韶

之南康記

劉孝威曲水詩序曰女媧補石重華棄金唐人

鍊石補天賦曰天何言哉有闕則補持五石而是用俾
四時而能取成乎圓象故資可轉之功定彼乾儀蓋俟
至堅之主所以裨覆幬仰周普磨礱入鍛成功豈濫于
宋人緝綴為勞至德何慙于山甫司空圖詩女媧只解

補青天不解煎膠黏日月崔桐詩補天留粉石縮地入
青山韓愈詩玉盃不磨著泥土青山孔出白石補李賀
詩女媧鍊石補天處石破天驚逗秋雨

屏風隔坐

鄭弘為太尉時舉第五倫為司空班次在下每正朔朝
見弘曲躬自卑上問知其故遂聽置雲母屏風分隔其
間

漢書

景帝時紀陟父亮為尚書令陟為中書令每朝

會詔以御屏風分隔其座

張勃吳錄

唐人試進士嘗以隔

座雲母屏風為題 梁劉孝威謝敕賚畫屏風啓曰紀
亮所隔唯珍雲母武秋所顧止貴琉璃豈若寫帝臺之
基拂崑山之碧畫巧吳筆素踰魏賜馮商莫能賦李尤
誰敢銘此乃用紀氏故事也

十種琉璃

大秦國出青白黑黃赤綠紺縹紅紫十種琉璃

魏略

又有

五色玻璃紅色者最貴

記 玄中

程氏繁露引魏書有天竺

國人至京自言能鑄石為五色琉璃於是採石鑄之所

謂琉璃者謂其如玉也若以石鑄之曾何足珍按廣雅曰琉璃珠也韻集曰琉璃火齊珠也則知琉璃為玉物也晉潘尼琉璃碗賦曰濟流沙之絕險越葱嶺之峻危於是遊西極望大蒙歷鍾山闢燭龍覲王母訪仙童取琉璃之攸華詔曠世之良工纂玄儀以取象准三辰以定容光映日曜圓盛月盈纖瑕罔麗飛塵靡停灼爍旁燭表裏相形凝霜不足方其潔澄水不能喻其清剛過金石勁勵瓊玉磨之不磷涅之不濁如潘尼所賦的非

以石鑄之者矣

碧

古人賦中最好用碧字

張衡南都賦曰綠碧紫英青

腹丹縹左思吳都賦曰紫貝流黃縹碧素玉又蜀都賦
曰青珠黃環碧砮芒消李邕石賦曰苔蘚剝落雨露淋
漓水碧藻曜繪畫紛披用冰碧二字尤佳廣志曰碧有
縹碧有綠碧出越舊說文曰碧石之美者矯世論曰碧
似玉唯猗頓能別之

木難

曹植樂府詩曰明珠交玉體珊瑚間木難廣志曰木難珠黃色生東夷南越志曰木難金翅鳥口結沫所成碧色珠也大秦土人珍之崔豹古今注以木難為莫難

水仙賦

余二十年前作水仙賦自恨筆力欠奇偉五年前楊仲困自蕭山致水仙花一二百本極盛乃以兩古銅洗藝之學洛神賦體再作後水仙花賦頗愜人意近讀金樓

子云劉子玄好學有文才為水仙花賦時人以為不減洛神賦余固不敢望知幾萬分一亦知名人製作自有

意會古人也

楊仲園今名困道

畫二踈

晉王彪之詩序曰余求致仕詔累不聽因扇上有二踈畫作詩一首以述其美王彪之詩不可見東坡有二踈圖贊則二踈故事後人每以為圖然隋朝畫品有高貴鄉公所畫祖二踈圖今當不復有此矣舊讀顧況詩有

云踈家父子錯挂冠梁鴻夫妻虛適越殊不可曉當有
激云爾

順下風

齊孔稚圭玄館碑曰赤松家石室之下神農行弟子之
敬廣成居崆峒之上軒帝稟順風之禮蓋用莊子黃帝
聞廣成子在崆峒之山故往見之廣成子南首而卧黃
帝順下風膝行而進再拜稽首而問焉稚圭下語瓌壯
如此越王請于范子稱曰寡人用夫子之計幸得成矣

寡人聞夫子之于陰陽進退之理預知未形來聽下風

越絕書 聽下風聽於下風也

不喜俗人

嵇康與山巨源絕交書曰不喜俗人而嘗與之共事或
賓客盈坐鳴聲聒耳囂塵臭處千變百技在在目前阮
修性簡不修人事絕不喜見俗人誤相報遇輒便捨去
臧榮緒晉書 晉人風尚高曠往往如此不止嵇阮而已

削藁

漢孔光典樞機十餘年時有所言輒削草藁 周就素
重慎周密上封事輒削去草藁 後漢樊弘謙柔畏慎
所上便宜及陳得失輒手自寫毀草藁 皇甫嵩畏慎
前後上表陳其補益者百餘事皆手書毀藁 魏陳羣
前後密諫得失每上封輒削草 魏任嘏每納忠諫輒
手書壞本 北齊封隆文首參經略奇謀異算密以啓
聞上書削草藁 宋謝弘微每有獻替及論時事必手
書焚草

罰酒

梁孝王遊忘憂之館集諸遊士使各為賦枚乘為柳賦
路喬如為鶴賦公孫詭為文鹿賦鄒陽為酒賦公孫乘
為月賦羊勝作屏風賦韓安國作風賦不成鄒陽代之
罰酒三升餘各賜絹五匹

出西京雜記

帝幸辟雍會命羣

臣賦詩侍中和逌尚書陳騫等作詩稽留有司奏免官
誥曰吾以闇昧愛好文雅廣延詩賦以知得失而乃爾
紛紛良用反側其和逌等各罰酒

魏志

石崇元康六年

從京出為征虜將軍有別廬在南縣界澗谷中時征西
大將軍王詡當還長安與眾賢共送往澗中晝夜遊宴
遂各賦詩不能者罰酒邑令潘豹散騎常侍劉邃南郡
太守石雋各罰酒三勝

金谷園
詩序

觀此三事則蘭亭修禊

賦詩不成者罰酒非止此也

楷書

晉中經簿曰有緗素書白縑楷書黃紙楷書白絹行書
二尺竹牒楷書白練絹楷書廣內置楷書吏自晉始唐

玄宗始以隸楷書易古文尚書今儒不識古文自唐開元始宋景文公嘗言蘇頌撰朝覲壇頌曰有乚虞氏館閣校讐官于乚字之右點曰疑不知有楊備者得古文尚書釋文知乚字為古稽字此開元以隸楷書易古文之失也

孔子因史作春秋

阮籍孔子誄曰養徒三千升堂七十潛神演思因史作

書

因史作書四字甚佳

瑠璧

楚明光者楚王大夫也昭王得瑠氏璧欲以貢于趙王
于是遣明光奉璧之趙瑠古和字

琴操

今善琴者傳卞和

操有其聲而亡其辭惟存一句可認云卞和三獻人不
識以余觀之非當時操也蔡邕記卞和楚野人嘗居山
耕種因得玉璞以獻于懷王王以為欺謾斬其足和作
操曰悠悠沂水經荆山兮精氣鬱決谷巖巖兮中有神
寶灼灼明兮穴山採玉難為功兮

雲夢

尚書曰雲夢土作又本朝太宗得古本尚書作雲土夢作乂詔改禹貢從古本按孔安國注云雲夢之澤在江南是不然也左傳曰吳入郢楚子涉睢濟江入于雲中王寢盜攻之以戈擊王王奔鄖楚子自郢西走涉睢則當出於江南其後涉江入于雲中遂奔鄖鄖今之安州涉江而後至雲入雲然後至鄖則雲在江北也又曰鄭伯如楚子產相楚子享之既享子產乃具田備王以田

江南之夢杜預注曰楚之雲夢跨江南北曰江南之夢則雲在江北明矣

元豐中有郭思者能言漢沔間地理亦以為江南為夢江北為雲予以左傳驗之思之說信然江南即今之公安石首建寧等縣江北則玉沙監利景陵等縣迺水之所委其地最下江南二浙水出稍高方土而夢已作乂矣此古本之為允也以上皆筆談所記余按寰宇記曰雲夢澤半在江南半在江北其水中平

土立半出寰宇記本樂史所撰史太宗時人則沈郭
未嘗見寰宇記也然沈辨未得其詳且周禮荊州云
其澤數曰雲夢鄭康成注曰雲夢在華容禹貢云雲
土夢作乂昭三年左傳楚子與鄭伯田于江南之夢
又定四年楚子涉睢濟江入于雲中杜預云南郡枝
江縣西一作南有雲夢城江夏安陸縣東南亦有夢城
或曰南郡華容縣東南有巴丘湖江南之夢也雲夢
一澤而每處有名者司馬相如子虛賦云雲夢者方

九百里則此澤跨江南北亦可獨稱雲稱夢耶酈道
元水經謂自江陵東界為雲夢北界為雲夢之數亦
不明指一處不可專以夢在江南雲在江北

玄圖

張衡玄圖曰玄者包含道德構掩乾坤橐籥元氣稟受
無原又曰玄者無形之類自然之根作于太始莫之與
先其言冥眇契理如此殊少傳斯圖也

太素

易乾鑿度曰太素質之始也雄含物魂號曰太素

雌雄俱行

故能含物魂而生物也

獨言雄主于陽故也

帝王世紀曰形變有質謂之

太素太素之前幽清寂寞不可為象惟虛惟無蓋道之根自道既建由無生有太素始萌萌而未兆謂之龐洪蓋道之幹既有萬物成體于是剛柔始分清濁始位天成于外而體陽故圓以動蓋道之質 禮斗威儀曰二十九萬一千八百六十歲而反太素冥莖乃道之根也張衡靈憲注曰太素之前幽清玄靜寂寞冥默不可

為象厥中惟靈如是永久焉斯為冥莖

揚雄覈靈賦曰太易之始太初

之先馮馮沈沈不可奮搏與此同意

由無生有太素始萌萌而未兆并體

同色坤屯不分

坤屯音渾沌

陳思王羈體說曰昔太素氏

不仁勞我以體苦我以生今也幸變而之死是反吾之

真也 阮籍通老論曰焉得松喬頤神太素逍遙區外

登我年祚陸機詩澄神玄漠流棲心太素域弭節欣高

視俟我大夢覺顧公直答陸機曰恢恢太素物物初基

在昔哲人觀衆濟時

天圓地方

內景
外景

單居離問曾子曰天圓而地方誠有之乎曾子曰天之
所生上首地之所生下首上首之謂圓下首之謂方如
識天圓而地方則是四角之不揜也參嘗聞之夫子曰
天道曰圓地道曰方方曰幽圓曰明明者吐氣是故外
景幽者含氣是故內景廣雅曰天圓廣南北二億三萬
三千五百里七十五步東西短減四步周六億十萬七
百里二十五步從地至天一億一萬六千七百八十一

里半下地至厚與天高等

天九野

呂氏春秋曰天有九野何謂九野中央曰鈞天東方曰

蒼天

尚書考靈曜曰皋天廣雅曰上天

東北方曰變天北方曰玄天西

北方曰幽天西方曰顓天

尚書考靈曜廣雅皆曰成天

西南方曰朱

天南方曰炎天

尚書考靈曜曰赤天

東南方曰陽天

淮南子亦

曰天有九野春秋內事曰天有十二分次日月之所纏

也所謂十二分次者即分野也前人多與分野並言少

言天分 翟楚賢碧落賦曰五石難補九野環舒星辰麗之而照曜日月憑之而居諸盖用九野事也

天字

梁元帝纂要曰天地四方曰六合四方上下謂之宇往古來今謂之宙 顏延年詩太微凝帝宇瑤光正神縣用此字字 劉允濟天賦曰粲黃道以開域闢紫宮而為宇 徐彥伯南郊賦曰告紫宙之成功定皇天之寶位 王勃七夕賦曰霜凝碧宙水瑩丹霄用字皆新奇

渾天記

賀道養渾天記曰昔記天體者有三渾儀莫知其始書
曰璇璣玉衡以齊七政蓋渾儀體也二曰宣夜夏殷之
法也三曰周髀周髀所造非周家術也近世復有四術
一曰方天興于王充二曰軒天起于姚信三曰穹天由
於虞喜皆以臆斷浮說不足觀也惟渾天之事徵驗不
疑此論精確

漢渾儀土圭

義熙起居注曰十四年相國表曰間者平長安獲張衡所作渾儀土圭歷代寶器謹遣奉送歸之天府宋顏延之請立渾天儀表曰張衡創物蔡邕造論戎夏相襲世重其術臣昔奉使入關值大軍旋旆渾儀在路肆觀奇秘絕代異寶旋及王府考諸前志誠應夙聞尚書璇璣玉衡以齊七政崔瑗所謂數術窮天地制作侔造化經志所云圖憲所本故體度不渝精測尚矣則七晷運變無匪康時九代真觀不絕司歷臣夙懷末意懼于非任

今忝惟職統敢昧死以聞

月節

范子計然曰月行疾二十九日三十日間一與日合取

日之度以為月節

月節二字他書未之見也

天雞

玄中記曰東南有桃都山上有大樹名曰桃都枝相去三千里上有天雞日初出照此木天雞即鳴天下雞皆隨之物類相感志曰大荒東極至鬼府山臂焦山脚巨

洋海中昇載海日蓋扶桑山有玉雞玉雞鳴則金雞鳴
金雞鳴則石鷄鳴石雞鳴則天下之雞鳴潮水應之

溫庭筠詩漏轉霞高滄海低頗梨枕上聞天雞用天雞
也陳陶詩朝天半夜聞玉雞星斗離離礙龍翼用玉
雞也李白詩半壁見海日空中聞天雞

雲占

左氏傳曰哀公六年有雲如衆赤鳥夾日以飛楚子使
問太史太史曰其當王身乎若禳之可移於令尹司馬

也王曰除心腹之疾而置諸股肱何益終不榮京房易
飛候曰黑雲如羣羊奔如飛鳥五日必雨兵書曰有雲
如丹蛇隨星後大戰殺將又曰雲如雌雉或如雄雞臨
城其城必降吳範占候秘訣曰有青雲如雉兔臨城營
軍敗走地鏡圖曰齊氣之見為牛雲氣占曰趙雲如牛
北夷之氣如牛蔡邕獨斷曰夏至日南方有赤雲如馬
者離氣也春秋元命苞曰堯母索扶升高丘有雲如彪
感已生皋陶以上所言鳥獸之形皆所以占雲也按兵

書又曰韓雲如布趙雲如牛楚雲如日宋雲如車魯雲如馬衛雲如犬周雲如輪秦雲如美人魏雲如鼠齊雲如絳衣越雲如龍頭蜀雲如困呂氏春秋則曰水雲如魚鱗山雲如草莽旱雲如煙雨雲如波魏子曰北夷之氣象羣羊南夷之氣象船山海之氣象樓臺宮闕都邑之氣象林木正此之謂

天賦

混成發粹

劉允濟
天賦

養空栖無

翟楚賢
碧落賦

名也者純陽之精

形也者太無之精

天行健賦

陽乃天之德陰乃地之符剛乃

天之義柔乃地之樞

陸肱乾坤為天地賦

天之道也存乎至輕

范榮

三無私賦

以上數語皆極其妙

裁成風雨

劉允濟天賦曰驅馭陰陽裁成風雨用裁成於風雨之上方冊中無此文章也

相雨

黃子發相雨書曰四方有濯魚雲疾者立雨濯魚雲遲

者少雨難至江漢雲疾者即日雨

黃子發相雨書又曰常以戊申日候日欲入時日上
有冠雲不問大小視四方黑者大雨青者小雨候日
始出日正中有雲覆日而四方有雲黑者大雨青者
小雨四方有雲如羊如猪雨立至四方北斗中有雲
後五日大雨四方北斗中無雲惟河中有雲三枚相
連狀如浴猪狶三日大雨以丙丁之辰四方無雲唯
漢中有者六十日風雨常以六甲之日平旦清明
東向望日始出時日上有雲大小貫日中青者以甲
乙雨亦者丙丁雨白者庚辛雨黑者壬癸雨黃者戊
己雨六甲日四方雲皆合者即雨以天方雨時視雲
有五色黑赤並見者即電黃白雜見風多雨少青黑
雜者雨隨之必滂沛流潦京房易飛候曰凡候雨
以朔弦望雲漢四塞者皆當雨東風此日當雨有黑
雲氣如覆船于日下當雨有黑雲氣如羊羴當暴雨

有異雲如水牛不出三日大雨有黑雲如羣羊奔如飛鳥五日必雨有雲如浮船皆為雨北斗獨有雲不出五日大雨四望見青白雲名曰天塞之雲雨微也有蒼黑雲細如杼軸蔽日月五日必雨雲如兩人提鼓持桴皆為暴雨夫占雨之法盡錄於此

雲扶日

洛書曰蒼帝起青雲扶日赤帝起赤雲扶日黃帝起黃雲扶日白帝起白雲扶日 權德輿詩更有觀臺稱賀處黃雲扶日瑞昇平 宋景文公詩雲路舊扶黃道日霞觴深映六符天用此事又有所謂黃人捧日出道書

晏元獻公詩青帝回風初習習黃人捧日故遲遲

陽關三疊

陽關三疊今歌者每句再疊而已若通一首又是四疊皆非是每句三唱以應三疊則叢然無復節奏有文勛者得古本陽關每句皆再唱而第一句不疊迺知唐本三疊如此 樂天詩相逢且莫推辭醉聽唱陽關第四聲自注云勸君更進一杯酒以此驗之若一句再疊則此句為第五聲今為第四則第一句不疊審矣

樂石

嶧山碑曰刻此樂石人多不曉顏師古謂以泗濱磬石

作碑者也

封氏聞見記

爾雅曰魯國鄒縣有嶧山純石相

積連屬成山史記曰始皇二十八年上鄒嶧山立石刻
秦功德鄒山記曰山東西二十里南北十三里高秀獨

出積石相臨殆無壤土石間多孔穴洞達相通俗謂之


嶧孔

太平廣記

其石玲瓏秀潤宜于孤桐可中琴瑟疑嶧山

之石自可磬音不但泗濱之石也此碑後魏太武帝登

山使人排倒之邑人疲于供命聚薪其下焚之由是殘
缺不堪模榻



緯略卷八

欽定四庫全書

子部
鱗略卷十九

詳校官中書臣丁榮祚

貢外郎臣牛稔文覆勘

總校官知縣臣楊懋珩

校對官中書臣朱炳

謄錄監生臣汪緣

欽定四庫全書

緯略卷九

宋 高似孫 撰

劉孝標世說

宋臨川王義慶采擷漢晉以來佳事佳話為世說新語
極為精絕而猶未為奇也梁劉孝標注此書引援詳確
有不言之妙如引漢魏吳諸史及子傳地理之書皆不
必言只如晉氏一朝史及晉諸公列傳譜錄文章皆出
于正史之外紀載特詳聞見未接實為注書之法今采

於後

朱鳳晉書

沈約晉書

王隱晉書

虞預晉書

朱鳳晉紀

劉謙之晉紀

徐廣晉紀

鄧粲晉紀

曹嘉之晉紀

干寶晉紀

晉陽秋

續晉陽秋

檀道鸞續晉陽秋

漢晉春秋

晉中興書

晉惠帝起居注

晉安帝紀

晉後略

庾翼別傳

孟嘉別傳

郭璞別傳

王述別傳

諸葛恢別傳

羊曼別傳

謝鯤別傳

阮孚別傳

邵薈別傳

王含別傳

王珉別傳

管輅別傳

荀粲別傳

司馬徽別傳

丞相王導別傳

賈充別傳

郭泰別傳

桓玄別傳

阮光祿別傳

王恭別傳

范宣別傳

王乂別傳

嵇康別傳

桓彝別傳

汝南別傳

周處別傳

王觀別傳

陸玩別傳

向秀別傳

衛玠別傳

王長史別傳

潘岳別傳

王敦別傳

賀循別傳

王弼別傳

桓溫別傳

劉劭別傳

殷浩別傳

王彬別傳

郗超別傳

郭泰別傳

卞壺別傳

郗愔別傳

桓冲別傳

孔愉別傳

蔡司徒別傳

羅府君別傳

劉濛別傳

郗鑒別傳

郗曇別傳

陶侃別傳

羅含別傳

孫放別傳

祖約別傳

王胡之別傳

王澄別傳

謝玄別傳

顧秋別傳

陳達別傳

王邃別傳

劉尹別傳

支遁別傳

高坐別傳

佛圖澄別傳

衛氏譜

祖氏譜

溫氏譜

吳氏譜

庾氏譜

許氏譜

戴氏譜

曹氏譜

虞氏譜

陶氏譜序

周氏譜

諸葛氏譜

華嶠譜

索氏譜

桓氏譜

傅氏譜

馮氏譜

孔氏譜

晉世譜

謝氏譜

王氏譜

王氏譜

謝女譜

司馬氏譜

陸氏譜

郗氏譜

羊氏譜

郝氏譜

摯氏世本

王氏世家

袁氏世紀

裴氏家傳

荀氏家傳

顧愷之家傳

李康家誠

褚氏家傳

李氏家傳

謝車騎家傳

袁氏家傳

嵇康高士傳

皇甫謐高士傳

楚國先賢傳

海內先賢傳

汝南先賢傳

江左名士傳

會稽後賢傳

蕭廣濟孝子傳

鄭緝孝子傳

江表傳

逸士傳

名士傳

文士傳

高士傳

文章傳

晉中興士人書

晉諸公傳

王中郎傳

袁宏孟處士傳

殷羨言行

永嘉流人名

竹林七賢論

先賢行狀

列仙傳

高逸沙門傳

安法師傳

支法師傳

名德沙門題目

庾法暢人物論

宋明帝文章志

摯虞文章志

顧愷之文章志

續文章志

丘淵之文章叙

丘淵之文章錄

文章叙錄

婦人集

王朝目錄

晉百官名

八王故事

晉東宮官名

明帝東宮僚屬名

伏滔大司馬屬名

征西僚屬名

齊王官屬名 山公啟事

太乙青藜

劉向校書天祿閣專精覃思夜有老人衣黃衣執青藜杖叩閣而進向獨坐閣中誦書老人迺吹杖端出火用以照向言開闢以前向因受五行洪範之文乃裂裳及紳以記其言至曙而去向請問姓名荅曰我太乙之精天帝聞卯金之子有博學者下而觀焉乃出懷中竹牒有天文地圖之書授之向子歆復授其術

王子年胡文拾遺記

恭公詩青藜香地掩殘書越絕東南駕隼輿又曰詩就
雞林買書成太乙觀皆用此事

四扈

左思齊都賦曰四扈推移注曰春夏秋冬四時鳥也按

爾雅曰春扈鵯

扶雲反

鵯

敦倫反

夏扈竊玄秋扈竊藍冬扈

竊黃此正左思所謂四戶也又曰桑扈竊脂棘扈竊丹

行扈喈喈

子夜反

宵扈嘖嘖詩曰交交桑扈率場啄粟箋

曰桑扈竊脂食肉今無肉循場啄粟失其性也淮南子

曰馬不食脂桑扈不食粟詐廉也左氏郊子曰少皞摯以鳥名官九扈為九農正杜預曰扈有九種爾雅同其九老扈鷦鷯也

顧愷之作父傳

顧悅與簡文同年而髮蚤白簡文曰卿何以先白髮對曰蒲柳之姿望秋而落松柏之質經霜彌茂

中興書曰顧悅字君

叔君一作居晉陵人初為殷浩揚州別駕浩卒上疏理浩或諫以浩為太宗所廢必不許悅固爭之浩果得申物論稱之後顧愷之為父傳曰君以直道遲回于世入

見王王髮無二毛而君已斑白問君年乃曰卿何偏蚤
白君曰松柏之姿經霜猶茂臣蒲柳之質望秋先零受
命之異也王稱善久之子作父傳史所罕載只此傳中
數語固自與諸書所載不同也惟司馬遷述太史公談
之言曰天子始建漢家之封而太史公留滯周南不得
與從事發憤且卒而子遷適反見父于河洛之間太史
公執遷手而泣曰予先周室之太史也自上世常顯功
名于虞夏典天官事後世中衰絕于予乎汝復為太史

則續吾祖矣今天子接千歲之統封泰山而予不得從
行是命也夫命也夫子死爾必為太史毋忘吾所欲論
著矣且夫孝始于事親中于事君終于立身揚名後世
以顯父母此孝之大者夫天下稱周公言其能論歌文
武之德宣周召之風達太王王季思慮爰及公劉以尊
后稷也幽厲之後王道缺禮樂衰孔子修舊起廢論詩
書作春秋則學者至今則之自獲麟以來四百有餘歲
而諸侯相兼史記放絕今漢興海內一統明主賢君忠

臣義士予為太史而不論載廢天下之文予甚懼焉爾其念哉遷俯首流涕曰小子不敏請悉論先人之所次舊聞不敢闕卒三歲而遷為太史令紬史記石室金匱之書嗚呼若司馬氏父子可謂能世其傳矣

艾納

東坡詩憑仗幽人收艾納國香和雨入青苔和香之方用艾納則衆香發越樂府歌曰何來氤氳五味香迭迷艾納及都梁廣志曰艾納出西國似細艾本草及沈氏

香譜曰艾納松上莓苔也魏文帝迭迷賦曰覽芳草之
樹庭揚修幹而結莖薄西夷之穢俗越萬里而來征應
瑒迭迷賦曰振纖枝之翠聚動芳槩之莓莓陳琳迭迷
賦曰立碧莖之婀娜銷綠條之蜿蜒廣志曰迭迷生西
海中盛弘之荊州記曰都梁縣有小山山水清淺其中
生蘭草俗謂蘭為都梁

護門草

梁王筠寓直詩龍樓實九重薄寒殊復早玉階泣清露

銅池結秋潦霜被守宮槐風驚護門草之子摘一作文

擅

華縱橫富辭藻舒錦慙光麗握珠謝奇寶愧予非工文
何用披懷抱此詩六朝人詩之傑作也窈窕清暢之甚
按贊寧物類志曰護門草出常山北有之彼處人取之
置于門戶上夜或有過其門其草則必叱之有盜者皆
驚奔矣俗呼為護門草一曰靈草也

鰕魚

後漢書曰張步遣使伏隆詣闕上書獻鰕魚郭璞引三

蒼曰鰕似蛤偏著石廣志曰鰕一面附石決明細孔雜
雜或七或九魏志曰倭國人入海捕鰕魚水無深淺皆
沈沒取之吳良為郡議曹掾諫太守無受正旦賀觴賜
鰕魚百枚魏文帝與孫權書曰今因趙咨致鰕魚千枚
陳思王求祭先主表曰先主喜食鰕魚前已表徐州刺
史臧霸送鰕魚二百足自供事皮日休詩君卿唇舌非
吾事且向江南問鰕魚詩中用鰕魚僅見此

郭有道碑

蔡伯喈作郭林宗碑曰吾為人作銘未嘗不有慙容唯為郭有道碑頌無愧耳劉長卿詩獨繼先賢傳誰刊有道碑觀長卿詩則此碑重矣泰卒會葬者千餘人鄭玄卒自郡守以下嘗受業者縷經赴會千餘人范丹卒會葬者二千餘人陳寔卒海內會葬者三萬人亦一時之盛

禹鼎

禹貢九牧之金鑄鼎荆山之下民入山林川澤魑魅魍

魘莫能逢之所鑄九鼎五者以應陽法四者以象陰數
使工師以雌金為陰鼎以雄金為陽鼎鼎中水常滿以
占氣象之休否夏桀之世鼎水忽自沸煎及傳于周周
末九鼎咸震亡滅之道也

第七車

益都耆舊傳曰蜀郡張寬漢武帝時為侍中從祀甘泉
至渭橋有女子浴于渭水乳長七尺上怪其異遣問之
女曰帝後第七車知我所來時寬在第七車對曰天星

主祭祀者齋戒不嚴則此女見異苑曰魏武過曹娥碑下有婦人浣于汾渚問之曰第四車解既而至乃禰正平也衡以離合義解之所謂離合義者即黃絹幼婦外孫蘊白或謂此婦人即娥靈也

人面子

嵇含南方草木狀曰人面子樹似含桃結子如桃實無味核正如人面故以為名以蜜漬之稍可食其核可玩也

紫玉

沈約宋書曰王者不藏金玉則紫玉見于深山矣貫休詩欲贈之以紫玉尺白銀鐙蓋用此

耶悉茗油

耶悉茗花是西國花色雪白胡人攜至交廣之間家家愛其香氣皆種植之廣州圖經曰舶上有耶悉茗油蓋胡人取花壓油偏宜麻風膏摩于手心香透于手背嵇含南方草木狀曰耶悉茗花茉莉花皆胡人自西國移

植于南海南海人憐其芳香競植之陸賈南越記曰南海之境五穀無味百花不香此二花特芳香者緣自胡國移至不隨水土而變與夫橘北為枳異矣彼之女子以綵絲穿花心以為首飾段公路北戶錄曰耶悉茗今之素馨也

古泉貨

太昊金

尊盧氏幣

神農氏金

黃帝貨金

軒轅貨金

帝昊金

帝嚳金

高陽金

堯泉

舜策乘馬幣

舜策幣貨金

夏貨金

商貨莊布

商貨四布

商連幣

商湯金

商子貨金

周圉注貨

周圉法別種

齊公貨

齊刀別種

齊梁山幣

莒刀齊布

齊刀

醢

漢建安二十四年吳將呂蒙病孫權為之命道士於星

辰下為請命醮之法當本於此顧況詩飛符超羽翼焚
火醮星辰姚鵠詩蘿磴靜攀雲共過雪壇當醮月孤明
李商隱詩通靈夜醮達星辰承露盤晞甲帳春趙嘏詩
春生藥圃芝猶短夜醮齋壇鶴未迴醮之禮至唐盛矣
隋煬帝詩迴步迴三洞清心禮七真馬戴詩三更禮星
斗寸匕服丹霜薛能詩符呪風雷惡朝修月露清此言
朝修之法也然陳羽步虛詞曰漢武清齋讀鼎書內官
扶出畫雲車壇上月明宮殿閉仰看星斗禮空虛漢武

時已如此

律室

蔡邕月令章句曰截竹為管謂之律置之密室以葭莩為灰以實其端其月氣至則灰飛而管空

司馬彪續漢書曰候氣之法于密室中以木為案置十二律琯各如其方實以葭灰覆以緹縠氣至則一律飛灰世皆疑其所置諸律方不踰數尺氣至獨本律應何也或謂古人自有術或謂短長至數冥符造

化或謂支千方位自有感名皆非也蓋彪說得其略耳惟隋書志論之甚詳其法先治一室令地極平乃埋律琯皆使上齊入地則有淺深冬至陽氣距地面九寸而止唯黃鍾一琯達之故黃鍾為之應正月陽氣距地面八寸而止自太簇以上皆達黃鍾大呂先以虛故惟太簇一律吹灰如人用鍼徹其經渠則氣隨鍼而出矣地有疎密則不能無差忒故先以木案隔之然後實土案上令堅密均一其上以水平其槩

然後埋律其下雖有疎密為木案所節其氣自平但在調其案上之土耳

隋蕭慤詩天宮初動罄緹室已飛灰韓偓詩中宵忽見動葭灰料得南枝已有梅皆佳句也夏英公詩玉琯飛灰新氣應璇霄合璧瑞華凝此又用李賀天官玉琯灰剩飛也

秦碑三句一韻

梁書范雲傳曰竟陵王子良為會稽太守雲為府主簿

王尅日登秦望山雲以山上有秦始皇刻石此文三句

一韻人多作兩句讀之並不得韻又加大篆人多不識

乃夜取史記讀之暨登山子良命賓寮讀之皆茫然不

識末問雲雲曰嘗讀史記見此刻石文讀之如流水子

良大悅秦碑有存者泰山碑兗州嶧山碑李斯篆鄭文寶摹兗州始

皇詔書李斯篆兗州梁山刻石可辨者十梁大篆可辨者十

始皇胸山碑海州會稽山碑李斯篆越州二世詔文李斯篆殘

碑二十字李斯篆登州巫咸人湫文俗呼詛楚文李斯篆鳳翔府又渭州州學本與

鳳翔
小異

漏刻銘

孫綽漏刻銘曰累筒三階積水成淵器滿則盈承虛赴
下靈虬吐注陰蟲承瀉陸機刻漏賦曰激懸泉以遠射
跨飛途而遙集伏陰蟲以成波吞絙流其如挹此並用
陰蟲承瀉梁元帝新漏銘曰方壺外次圓流內襲靈虬
承注陰蟲吐吸微若抽繭逝如激電銅史司刻金徒抱
箭皆有所襲唐符子璋刻漏賦曰方圓列陞高卑中度

制陰蟲以吐輸設靈虬以承注銅史應其方金箭刻其
數顏舒刻漏賦曰高卑列級洪殺順理靈虬屹以俯開
陰蟲矯而仰止上流注而不竭下吞挹而無已二賦皆
仿六朝人制作各盡其趣王廙洛都賦曰挈壺司刻漏
尊瀉流山叟秉尺隨水沈浮此四句亦佳

漢複道

王維詩複道開長樂青門臨上路宋之問詩複道開行
殿鉤陳列禁兵按漢未央宮長樂宮北有桂宮北宮明

光宮皆有複道廟記曰桂宮有紫房複道通未央宮北
周圍四十里中有明光殿殿有複道從宮中西至城上
建章宮神明堂

太平寰宇記

建章宮在長安城外其與未央

諸宮隔城相望故跨城而為閣道三輔故事曰神明臺
在建章宮故垂棟飛閣從宮中西上跨城而出乃達建
章也孔光傳曰哀帝祖母定陶傅太后居北宮有紫房
複道通未央宮太后從複道朝夕至帝所漢室制度凡
有宮即有複道也西都賦曰輦路經營修除飛閣自未

央而連桂宮北彌明光而亘長樂凌陞道而超西墉搢建章而聯外屬薛綜西京賦注曰陞閣道也

上雍

宋元憲公詩積高人上雍昭配禮從周用上雍二字也
唐彥謙詩雲低雍時祈年去雨細長楊從獵歸

關

司

馬遷曰迫季冬薄從上上雍雍鳳翔府天興縣也上者自下升高之辭也四面曰雍四望不見四方是之謂雍
漢故事凡幸雍悉言上雍也漢初未有南北郊惟雍縣

有四時高帝又立北時故文帝十五年四月幸雍始郊
見五帝景武宣元皆循之秦之離宮多在雍鄠之間故
諸帝亦時時臨幸也成帝建始中罷雍五時始祀天地
於長安南北郊則前乎此者皆以雍時為郊丘也西時
者秦襄公始為諸侯居西自以為主少昊之神作西時
祠白帝時者峙土為高也即壇也廊時者自襄公以後
十四年文公東獵汧渭之間卜居而吉夢黃蛇自天而
下屬地其口上於廊山阪為衍作廊時唐廊州義取諸此

而鄜州之地不在此也上時下時者文公後二百十五年靈公於吳陽作上時以祭黃帝作下時以祭炎帝此四時也北時者漢高帝入關問秦祀上帝何帝也對曰四帝有白青黃赤帝之祠帝曰吾聞天有五帝今四何也已而曰吾知之矣乃待我而具五也迺立黑帝祠名曰北時成帝建始中罷雍五時始祀天地于南北郊又有武時好時者在雍縣旁之吳陽此二時者不知何世所造參求其地即靈公所立上時下時正在吳陽也靈

公既立上下兩時則昔之武時好時不在五時之數矣
畦時獻公作祠白帝言其如畦畛也密時者宣公作在
渭南祭青帝不在雍也

凌煙閣贊

德宗幸凌煙閣見右壁頽剥上有殘缺文記每行可辨
三五字命錄之以問宰臣宰臣卒然無以對遽召蔣乂
訪之對曰此聖厯中侍臣圖贊也暗諷誦不失一字宰
臣大慚德宗嘆曰虞世南暗寫列士傳無以加也唐書

此贊今不傳矣然貞觀十三年詔圖畫功臣二十四人
上自為贊詔曰自古皇王褒崇勛德既勒銘于鍾鼎又
圖形于丹青是以甘露良佐麟閣著其美建武功臣雲
臺紀其迹宜酌故實弘茲令典今凌煙閣在西內三清
殿側是也畫功臣皆北面按西內即太極宮也閣中凡
三隔內一層畫功高宰輔外一層寫功高侯王又外一
層次第功臣此三隔者雖分內外其所畫功臣像貌皆
北面者豈北辰所居之義耶按唐河間王元恭碑曰唐

初功臣皆圖形戢武閣今曰凌煙閣耳戢武之名不見于他書又段志玄碑亦曰圖形戢武閣二碑皆當時所立不應差誤宋鮑昭有凌煙樓詩瞰江倒楹望景延除俯窺淮海俛眺荆吳我王結駕藻思神居宜此萬春修靈所扶凌煙之名六朝已有矣

呂溫作勲臣贊舊唐書長孫無忌傳載二十四人而闕其一呂溫作贊乃併高申公士廉二十四人代宗廣德二年七月給功臣鐵券藏於太廟圖形于凌煙閣宣宗大中二年七月已巳圖形功臣於凌煙閣寶應元年德宗為大元帥封雍王以平河北與郭子儀李光弼等皆賜鐵券圖形凌煙閣德宗紀貞元間德

宗嘉李晟馬燧之勲下詔曰昔我烈祖乘乾盪坤滌掃五代荒第體元御極作人父母則有熊羆之士不
二心之臣左右經綸參翊締構昭文德恢武功王業
既成泰階既平乃圖厥容于凌煙楹昭績效表式儀
形君臣之義厚莫重馬燧在乙巳秋七月外行西宮
瞻望崇閣見老臣遺像儼然肅然和敬在色觀往思
今取類非遠且功與時並才與世生苟蘊其才遇其
時尊主庇民何代蔑有在中宗時有如桓彥範等著
朝載之績在玄宗之時有如劉幽求申弼翼之勲在
肅宗時有如郭子儀掃除氛祲今顧晟等保寧朕躬
咸宣忠肆力光復宗社訂之前烈夫豈多讓闕而未
錄孰旌厥賢有司宜叙前後各圖其像于舊臣之處
命皇子書其文以賜晟晟刻石于門李晟傳宣宗大
中初紀史館差第元和將相圖形凌煙閣李絳與馬
出絳傳武德功臣十六人貞觀功臣五十三人至德
功臣二百六十五人德宗即位錄武德以來宰相及

功臣子孫賜一子正員官史館放勳闕文十字以三等條奏第一等以闕文一字歲授官第二等闕文六字人每等武德以來宰相為首功臣次之至德以來將相又次之大中初又詔求李峴王珪戴胄馬周褚遂良韓瑗郝處厚婁師德王及善張柬之袁恕已崔玄暉桓彥範宋欽則魏知古陸象先張九齡裴寂劉文靜劉幽求郭元振房瑄袁履謙李嗣業張巡許遠盧奕南霽雲韋皋張鎬李勉張鎰蕭復柳渾賈耽馬燧李愔三十七人皆畫像于凌煙閣

唐樂曲

涼州伊州甘州人不知其始蓋始於明皇因輯唐樂曲為一編云又按唐人西域志云龜茲國王與臣庶知樂者於巖嶼間聽風水之聲均節成音後翻入中國如伊州甘州涼州也

太宗四曲

傾杯曲

長孫無忌作

樂社曲

魏徵作

英雄樂曲

虞世南作

高宗七曲

景雲河清歌

亦名燕歌景雲見河水清張文叔為之

喜慶善樂

破陣樂

承天樂

一戎衣大定樂

伐高麗宴洛陽城門觀屯管教舞按新用武之勢

八絃同軌樂

象高麗平天下定

夷羌賓曲

遼東平李勣作是曲

明皇三十四曲

立部八曲

太常選坐部伎無性識者退入立部伎又選立部伎無性識者退入雅樂部則雅聲可知一作可和

一 太平安舞

二 太平樂安舞

太平並周隋遺音

三 破陣樂

四 慶善樂

五 大定樂

六 上元樂

七 聖壽樂

八 光聖樂

坐部伎六曲

一 燕樂

二長壽樂

三天授樂

武后天授年作

四鳥歌萬歲樂

武后時有鳥能人言萬歲

五龍池樂

明皇為郡王時賜第隆慶坊坊之南地忽變為池中宗泛之以厭其祥明皇即位乃

作龍池樂

六小破陣樂

半夜樂

還京樂

明皇自潞州還京師夜半舉兵誅韋后故作此樂

文成曲

明皇作

霓裳羽衣曲

河西節度使楊欽述獻一說羅公遠

與明皇遊月宮見仙女數百皆素練霓裳問其故曰云云故作是曲

直道曲

道士司馬承禎奉詔作

大羅天曲

茅士道曲

紫清

道曲

工部侍郎賀知章作

景雲

九真紫極

小長壽

承天樂

順天樂二曲

並太清宮成太常卿韋縚作

君臣相遇樂

曲商調韋縚作

荔枝香

貴妃生日張樂長生殿奏曲未有名會南方進

荔枝故名

梨園法曲

法曲本隋樂其音清而近雅煬帝厭其聲淡明皇愛之選

荔枝香

坐伎三百人教之梨園宮女數百亦為梨園子弟

涼州伊州甘州

天寶樂曲皆以邊地名之又詔道調法曲方胡部新聲合作

千秋節

明皇生日作

代宗二曲

寶應長寧樂

代宗復二京梨園供奉官劉日進獻十八曲宮調

廣平太一曲

大歷元年作

德宗四曲

定難曲

河東節度馬燧獻

繼天誕聖樂

德宗生日昭義節度王虔休獻

中和樂

德宗生日作

孫武順聖樂

山南節度于頔獻

文宗二曲

雲韶法曲

霓裳羽衣舞曲

此二曲文宗詔太常卿馮定采

開元雅樂作也臣下功高者賜之又改法曲為仙韶曲

武宗一曲

萬斯年曲

李德裕命樂工作萬斯年曲以獻

宣宗一曲

播皇猷曲

帝自製宴禮用之

竹簡

春秋序曰小事簡牘爾雅曰簡謂之畢郭璞曰今之簡札也說文曰簡牒也釋名曰簡書編也杜周傳曰三尺安在哉注曰以三尺竹簡書法律也劉向列子序皆殺青書注曰謂汗簡刮去青皮也劉向別錄曰殺青書治竹作簡新竹有汗善折蠹凡作簡者皆以火炙乾之謂之汗汗者去其汗也吳越曰殺亦治也風俗通曰劉向典校書籍二十餘年皆先書竹改易刊定可繕寫者以上素今東觀書竹素也張景陽詩遊思竹素園寄辭翰

墨林是也張璠漢記曰吳祐父恢為南海太守欲以殺
青寫書祐年十二諫不可海濱多珍玩若成載書盈兩
必思薏苡之謗文士傳曰人于嵩山下得竹簡一版上
有兩行科斗之書張華以問束皙皙曰此明帝顯節陵
中竹簡蕭子顯齊書曰襄陽有盜發古塚相傳是楚王
塚獲竹簡書青絲編簡廣數分長二尺皮節如新盜以
把火照書後人得十餘簡以示撫軍王僧虔云是科斗
書考工記周官所缺文也齊春秋曰襄陽人發古塚有

王鏡及竹簡古書字不可識王僧虔善識字體亦不能
解云是科斗濟陽江淹博古好事以科斗文字推之則
周宣之前也簡殆如新李嶠詩竹是蒸青外池仍點墨
餘楊炯詩道書編竹簡靈藥灌梧桐武元衡詩署分刊
竹簡書囊護芸香陸龜蒙詩簡便書露竹樽破待霜匏
宋景文公詩此時刀筆手慙愧殺青人又詩聞道蘭臺
有圖籍故留香粉照蒸青蘇轍城詩栽向鳳池吹律處
斷從芸閣殺青餘

八磨

後魏書曰崔亮在雍州讀杜預傳見其為八磨嘉其有
濟時用遂教民為碾及為僕射奏於張方橋東堰穀水
造水碾磨數十區其利十倍國便之通俗文曰石鍋轆
穀曰碾嵇含八磨賦外兄劉景宣作磨奇巧特異闕轉
八磨之重因賦之曰方木矩跲圓質規旋闕文下青以
轉以乾巨輪內建八部外連

腦能柔物

左氏僖公二十八年晉文公將與楚戰夢楚子伏已而
監其腦子犯曰吾且柔之矣杜預曰腦能柔物皮氏錄
曰羊腦猪腦男子食之損精氣又云羊腦食之令五臟
消也

陳琳賦

魏陳琳武軍賦曰其刃也則楚金越冶棠谿名工清堅
皓鍔脩刺銳鋒陸陷藥犀水截輕鴻鎧則東胡闕鞞百
煉精鋼函師振旅韋人制縫弩則幽都筋骨恒山麋幹

通肌暢骨崇緼曲煙其弓則烏號越耗繁弱角端象弭
繡質哲附文身矢則申息肅慎箛簫空䟽焦銅毒鐵麗
轂撻駟馬則飛雲絕景直鬣駟駁龍紫鹿文的睨魚
若清道整列按節徐行龍姿鳳峙灼有遺英琳之賦戎
器瓌壯如此其為檄可知矣琳之檄曰若使水而可恃
則洞庭無三苗之墟子陽無荊門之敗朝鮮之壘不刊
南越之旌不拔也其語意殊佳戴叔倫詩陳琳草奏才
還在王粲登樓興不賒劉長卿詩陳琳書記好王粲從

軍樂

鑪香

李義山詩鑪香金屈戌帶酒玉崑崙又詩金蟾鑪燒
香入玉虎牽絲汲井回此皆香器其名鑪者蓋有鼻鈕
施之於幃幃之中者也梁簡文帝詩織成屏風金屈膝
唇朱玉面燈前出徐彥伯詩畫屏繞金膝珠簾懸玉鉤
李賀詩屈膝銅鋪鑪阿甄夢入家門上沙渚屈膝當即
是屈戌也李賀詩曉奩妝秀靨夜帳減香筒又詩象

口吹香氍毹暖七星挂城聞漏版亦帳中香也

大小山猶二雅

樂府解題淮南書有大山小山猶詩有二雅黃太史言
章子厚論楚辭皆有所本予初不以為然因叩之子厚
曰離騷經本之國風九歌本之大雅九辨本之小雅考
之信然常嘆息斯人妙解文章之味于翰墨之林千載
一人也惜其以世故廢學耳

北酥

沈約謝北酥啟曰曠阻陰山之外眇絕蒲海之東自非
神力所引莫或輕至按西河舊事曰祁連山冬夏寒涼
宜牧牛羊充肥乳酪好當是此類

承露盤銘

魏母丘儉承露盤銘曰赫赫聖魏紹天維則承露瑰生
爰昭懿德下有蛟龍偃蹇虬紛上有層盤屬彼青雲修
莖擢擢高弗可及仙掌岌岌零露是集有直其體有固
斯基休徵攸降神明攸持少昊惟好我后斯固以介眉

壽以保萬邦 魏陳王曹植承露盤銘曰岌岌承露峻
極太清神石礪礪洪基岳傳下潛醴泉上受雲英和氣
四充翔鳳所經匪我明后孰能經營近厯闡度三光明
明珠俗歸義祥瑞混并鸞鳳晨棲甘露宵零神明攸協
高而不傾奉戴巍巍恭統神器固若露盤長存永貴賢
聖繼迹奕世明德不忝先功保茲皇極垂祚億兆永荷
天秩 李賀金銅仙人辭漢歌序魏明帝青龍元年八
月詔宮官牽車西取漢孝武帝捧露盤仙人欲立置殿

前宮官既折盤仙人臨載迺潸然淚下唐諸王孫李長
吉遂作金銅仙人辭漢歌茂陵劉郎秋風客夜聞馬嘶
曉無迹畫欄桂樹懸秋香三十六宮土花碧魏官牽車
指千里東關酸風射眸子空將漢月出宮門憶君清淚
如鈇水衰蘭送客咸陽道天若有情天亦老攜盤獨出
月荒涼渭城已遠波聲小魏既遷漢金銅仙人而曹植
所序乃謂明帝所作按曹植銘曰明帝鑄承露盤莖長
十二丈大十圍上盤徑四尺下盤徑五尺銅龍繞其根

龍身長一丈背負兩子自立于上林園甘露乃降使植
為頌又按三輔故事曰漢武以銅作承露盤高二十丈
大七圍上有仙人掌承露盤魏既遷漢盤又作新盤也
儉又有承露盤賦有曰雄幹碣以高立于雲霧而上
征蓋取象于蓬萊實神明之所憑峻極過于閭風鳳高
翔而弗升味一作采和氣之精液承清露于飛雲語亦峭
拔然讀長吉歌非儉植可及也

謝玄暉詩風動萬年枝日華承露掌劉孝綽詩仙掌
方承露靈鳥又轉風王褒詩御溝槐影出仙掌露光

晞岑文本詩佳氣浮仙掌薰風入帝梧韓偓詩露和
玉屑金盤冷月射珠宮貝闕寒張九齡詩仙掌明璣
入露盤李商隱詩仙人掌冷三霄露玉女窗虛午夜
風楊文公詩仙盤露冷蛛絲濕綺閣香風鳳吹傳劉
中山詩三闕月臨承露掌九雛烏繞守宮槐胡文恭
詩金掌氣寒知露重玉壺聲近覺天低夏英公詩沆
瀣氣涼仙掌迴滿盤清露結朱英又詩宮槐煙煖鶯
猶睡仙掌雲寒露未晞廬轅詩樹搖仙掌露庭接玉
陰樓

緯略卷九